

ئاميان

كۆرپە شىئەرى

بىھرووز موحەمەد پوور (شارۆ)

پیشکش:

بہ خانہ وادہی تازیزیم؛ بۆنہ و گردوو ئەرک و زہ حمہ تہ کاشاوہ.

دەس‌وەشی و سپاسی بێ‌پایان و ئەوەنە‌برپام پە‌ی:

مامۆسا «عادلّ موحەمەد پوور» ی کە ئەرک‌وو هە‌ڵ‌چنی و باری فە‌ننی
بەرەمە‌کە‌ی کە‌وت سەر‌وو شانە‌یش و جە‌ هیچ د‌ل‌سۆ‌زیە در‌یغ‌یش
نە‌ کە‌ر‌د.

کاک «سوبحان ئە‌مین‌ی (ه‌انە‌ گە‌رم‌لە‌)» کە‌ ونا‌رای پە‌لی، هە‌ڵ‌چنی و
چە‌م پۆ‌ره‌ خ‌شنای چن ج‌اره‌و بە‌ره‌مە‌کە‌ی کە‌وت و ر‌یت‌یش‌اوه‌.
کاک «سە‌عید شە‌مس» پە‌ی ونا‌رای گ‌رال‌ه‌و پ‌ووبە‌ر‌گی.

...

چەمەرانا ...
دوور نیا، زارۆلئ
گۆو قەلەمیشا گۆره میت بو
بە لایە لایەو ئەدای

۹۰/۵/۸

....

هه فتا جارئ سوبحانه لالا!
سى پەى چەماش؛
چوون ئەلماس و
«چل» یچ بالاش
ماچی که لا

۹۰/۷/۱۴

...

پال مەڭە نوقتىيۈە
سەروو پرڭەو سىپراتىيۈە مڭراى بۆ

۹۰/.../...

...

هەور ئاسا سەخت
نەرم چوون كۆ بە
تەمەن وەرۈە
زەمەن وەر
چ زوو دىر بۆ!
هەلۆ بە

۹۰/۱۱/۲۶

...

هەرەسگان ها!
زوو لا دە ویت
ژیواى

۹۰/۱۲/۷

...

چ بى پروا
به زمسانى و
چن هوميدم به وهارين!

۹۱/۳/۱

...

په دینوو سوهیلوو دنیاو ئه شقیم
کتیوه
پا سوتینا!

۹۱/۳/۴

...

قوناخه و تفهنگه کاتا
کهردی داھۆلۆو په له گه نه کا
زارۆلۆی ئاورا، قیرنی!

۹۱/۵/۱۴

...

ویره کاتا
په ی له وه پگاو شکې به ردی
یه قین،
قه لداسی وشک بیهن!

۹۱/۵/۱۳

...

ماناو پرایم وه ختی فاما
دل
به چه ماش قورخ کریا

...

دووریش
مه رگیوهن
هه لمیش مه تاو نو مو!

...

چرپەو پاو دەنگیش
وہقرہیم کروچۆ

...

گەڤای ژیر
سەڤقاتوو سولتانی گەڤاین!

...

دارسان
قانیعوو وەشتەوارانیۆەن
بل، تەژنایش نەمارۆ!

۹۱/۱۱/۱۰

...

دریژته‌رین پرده‌و دنیای

پرده‌و عه‌شقینه

وه‌رنه من جه کو و

ئازیز تو جه کو؟

۹۱/۱۲/۸

...

ویتی به شاعیروو چه‌مات

من کم ماروو!

۹۱/../...

...

نوقله‌و ده‌موو زارپۆلیوه‌ن

ته‌مه‌ن،

ته‌نانش ته‌مه

ئاسمانوو چه‌زه‌کام

۹۲/۲/۲۹

...

بوونه وینه کیش
چه مه کاش کیشوو
تا دنیا وینۆش
زانا چیش کیشوو!!

۹۳/۹/۱۶

...

پوهو گه زه نئ
چه رمی که رو
قسی تالّه و کس و کاری!

...

که یاوانی،
تازه زانام نه یاوانا.
ئیسه کالتەر جه کالینا

۹۳/۷/۲۵

...

وہ ختی باخہلّت پەرہ بۆ جہ پووچی

هیچ کس مه دۆنۆت

ئارۆ ئەدایم ماچ کەرڤا!

۹۳/۸/۲۵

...

منیچ نه بوو

ههروو ژیاوی هه‌ر بار به‌رۆ

شکەت نه‌بۆ

کەرگه‌ بی کەلە شیر

ده‌ها جارێ هیڵه‌ کەرۆ!

۹۳/۹/۲۲

...

وشی پاکه‌نه‌؛

په‌وکای قه‌لەم

ملکه‌چه‌ن په‌یش!

۹۳/۱۱/۱۸

....

میرەبانی جە کێ فێر بوو؟
بە زۆر چەقنام زەمینەرە
بالدارە کا جە ویم تۆرنوو
داھۆلی وات!

۹۳/۱۱/۲۱

...

شەو زەنگەنە
تۆفانم کەردەن چە کوو شیعرام
پە ی قەلاچۆو لوورەو سیاووا ی!
ئەژنەوتەنم
کە لوا ی میمانی وەرگی،
تووتەت ویر نەشۆ!

۹۴/۱/۱۲ کرماشان

...

واجدی هوره کا
چه مهو «بل»ینه ئاوی گوزانه!
نهك جه گه ناوه مهننهو گۆمانه،
وارا هر یاگی؛
ههزار «بلچه می»ش^۱ چه نه ته قانه!

...

۹۴/۱/۱۲ کرماشان

...

شه ویینه مهوسوو
تا دیر رۆ بۆوه؛
نه کای خیالش ئانتینش پرۆ!

۹۴/۸/۲/۸

¹ - بل: تافوو بلی هه جیجنه، بلچه می: چن تافی وچکلی جه ده گاو بلبه رینه

...

چه مش ماشنا،

هه ستم گرته.

نگاش کلنا^۲

ئاوهزم فت!

۹۴/.../...

...

چا وهختۆ که

ساوی وهنهم بیه مژن

بابام مهینهتش دا شانهمره

ئیسه تهرینه پهنگ

وهرم شاداریۆ وینوو!

۹۴/۳/۹

² - کلنا: قرتنا. کیانا. واتییوی که لهۆریه نه

...

شەۋە بى،

ۋەختى چەمم بە دىنباي ھۆرئاما؛

ئىسەيچە

جىقەش ۋەرمم ھۆر كلاشۇ!

۹۴/۳/۱۰

...

ماچا:

زەمەن چوون ۋا ۋىەرۆ،

ۋىرىنە ۋىت؛

ئىمەنمى ۋا

يا زەمەن؟

۹۴/۳/۱۰

...

بەش دايم قالاو قىرئۇ يانەتۇ
نازۇ باخەلەت سانتىو بىئو گۇ
ئانە لىوا واچىنى:
مىمان ھەبىبوو خۇداين!

سارى ۹۴/۵/۲۱

...

ھەپاج، ھەپاج
ھەرزان، تالان
ئارۇ ەشق پوومالين ھا!
ئەگەر واتشا:
ەشق بە شەرتەو چەقۇي
كېنە دلّيت!

ھەمەدان ۹۴/۵/۲۲

...

وهرمم ته لاق دا
چا وه ختو که
تو بیهی به شیعره و ژيوایم

۹۴/۵/۲۳

...

باخه لته قریونو
لوای رانه ت ژهره ژ ئاسان
ههرسی مجو
قشقیړه ژهره ژینه لاتو!

۹۴/۶/۷

...

که رگه کړیو خیالوو من
هیله شیعرې هورمارو؛
وهرزیو د ماتهر،
سیحروو گرایشا بهرزه بووه و
بانه رامه!

۹۴/۶/۷

...

خونچەيش خۇنوو،

بەشوو دنيای

گەزۆ مجۆ

۹۴/۶/۱۶

...

ژەمەن ويەردەنا پەي دينيت

ئى جارۆ بەي

پىللەو چەمام قاب گىروو!

۹۴/۷/۲

...

وہشەسياييت پورہ دانا

ھەر کۆ مڊیہو

وارای واری!!

۹۴/۷/۲۴

...

ھەزارەو يەرۆمىن،
ھىشتاى كىشەن رەنگەو پۆسى؛
واتم واچووت تا بزانى
دماپۆ بۆ جەنگوو زوانى

۹۴/۸/۷

...

مىرەبانى سىماشۆ وارۆ
مەواچە چىش ماچۆ؟
بۆ ۋەشى گوللى،
گولۆ پىوارا!

۹۴/۸/۸

...

ۋەشەم مەسپەي،

چەمەران،

بى تۆ ھەرگىز؛

فەرقانىم كەردە،

دووريت كوشتا.

ئاللاھ

لەعنەت عەشقىو!

كاشى ئاۋدەسى بۆنە كەتپەش

۹۴/۱۲/۱۲

...

عەۋارىزو دىايو تۆ

قەبزىش پۇچا

چەم ھۆرىپنە

پۇحم فېدات!

۹۵/۴/۲۰

...

ھەرچی شەوا ۋەرمیم ماڭى،

چەمى كەروۋە،

مەغرىبىيەنى!

۹۵/۵/۱

...

ھەرچن ۋەلاتم ۋلە گوللاۋىيەنە،

بەللام ئەر ئاماي

چەتريۋە بارە؛

رۇنيا چىڭگە بارووت نەوارۇ!

۹۵/۴/۱۲

...

من پۇجىارم

گولدانوو چەماتەنە ۋستەن سەما،

مازەم تەنيا،

ھەتتا غەمىرم كەيىل نەبۇ جە شەۋەزەنگى.

۹۵/۵/۱۶

...

دەمەكەيت بارە
چىنگى ۋەشما بۆ
ھەي ھوو تا سەۋاي ...
تەرىنى نىھنا
ۋەرم شادارىۆ وينوۋ!

۹۵/۶/۱۳

...

خەم چەمش تەقا
نەبۆنە غەيبەت
دۆسيۆ بە ۋەفان

۹۵/۶/۱۳

...

من ژەرەژى و
تۆ شادانە
تا كەي حەزم مژن كەرۆ؟

۹۵/۶/۱۴

...

پۇجىار

ھەوارمىنە مەراقش كەرد؛

ئىننە شەۋە دوۋوشش مارو!

۹۵/۶/۲۵

...

تۆبە جە دلداری

بىيجگە ئانەى

كە جار جارى خونچەيش خۇنوو!

۹۵/۷/۲۷

...

چەنى واچوو؟

چىشت وانوو؟

ۋەختىو تۆ

عالتەرىن ئىستىعارەو ژىوايەنى!

۹۵/۹/۱۳

...

چ تاقەتم بى تاقەتا؟

وہ ختیو کہ

بى تۆم کەرؤ وەر موو شەوئ!

۹۵/۱۰/۲۲

...

تۆ کہ

بہ نیم نگایئو منت شیت کەرڈا،

ئاخۆ

حالوو جامہ کہو باخەلئیت چەنى بۆ؟

۹۵/۱۰/۲۴

...

پىالئوہ

ماچوو دەمیت

کلورہ ھەنگیئوی بى شە کەرا!

۹۶/۱/۲۸

...

ئەگەر ئامامو
جەنگى جەھانى يەرەم ھۆرگىسىيا
ئەمىنتەرىن ياگىئو دىيائى
باوشەو تۆنە!

۹۶/۱/۲۹

...

چەمت چەمنى،
موقەددرىئو ۋەش
قۆمنىو لىچاتئو

۹۶/۲/۲۳

...

چوار سووچوو يانەكەيم
كەروونە دەلاقە!
تاھەر ياگىئو شەبەقىيائى
بۆنە قىبىلىم

۹۶/۴/۲۱

...

ئەر مەتاۋى دارسان بى
درەختىۋە بە
سىبەرەكىت
مانىايو راويارىۋ پىنە كەرۆ

۹۶/۴/۳۱

...

پىسەو قۇتەى
ئاۋىر مىجىۋ بالامۇ پەيت
چەمەراۋ ھەوروو تۇنا

۹۶/۶/۲

...

تا كەى
خىيالت پىچىنوۋ بالالو جگەرارە؟
شەبەقىيە،
تا بۆ دوۋكەلە نەبى.

۹۶/۶/۲۲

...

هەنار

وەزەرە زەوق

بەکارەتوو ئی شەوگاریە

مەر بە ھاوار مەجیۆ پەردە!

۹۶/۹/۳۰

...

بە تاك ویسەنی

مانگە لاو تۆو

ئەگەر چوار دەپچش یۆ

شش کەم مارۆ!

۹۶/۹/۳۰

...

زوانم دا لچوو سیروانی

چ سۆل گرهوئ

پە ی هەلەبجە ی!

...

نەزان
هەر پاسەبیچ
فرە گرانا

...

دیارتۆۆ وشك بیا،
هاكا قشقیپری
نووکشا دا وهنهم!

...

هەر گیز مات مەبوو،
ئە گەر چەمی تۆ
کشم کەرا!

۹۶/۱۰/۱۴

...

مانگه و ژيوایم!
چه نی شیت نه بوو؟
وه ختیو مه ی بهر؛
هرچی هه ساره ن چه مش کلنۆ پهیت!

۹۶/.../...

...

شه معهم به،
هه ز که روو سه یه و تۆنه
بوونه بوولّه.

۹۶/۱۰/۱۷

...

جگه ره نه مه ن
نه کیشووش ئینتیزاریره،
ئیسه خه ریکنا ته نیایی کیشوو!

۹۶/.../...

...

چەنى پەى دىنىت نەبوو شۆرە بى؟

وہختى پەى دەمىت

ئاويچ تەژنەشا!

۹۶/۱۲/۲۳

...

بازە

با سوزدەيم وزوو دامانت

بەھەشت

باوشەو تۆنە مەترازيۆ

۹۷/۳/۱۸

...

بە سەعاتى واچدى:

با كەم بژمارۆم

عەمرم بى ئاڭى

چركىۆ كوئتەرا

...

سەعاتى واچدى:
وہ لادیم خولیو وہ ...
من کہ ئاواتم
وہ شلہی بہ پارین ...!

...

نہ بیہ یتہ نہ
سیاوپوشنا
پیسه شہوہ زہنگی
پہی مانگی!

۹۷/۵/۱۳

...

نہ بیہ یت نہ سپارام
دەسوو قەلہمی ...
مەر ھەر ویم زانوو
زوانش چیش کیشو...؟

...

نەببەيتەنە
وئىم كىشوو
پىسە جگەرەي
تەنيايىمنە وئىش كىشوو ...!

...

هەتيمى شىئەريم
بىدەنگى تۆنە پروودارەنە
سەرشى تاقەتش
ئۆقرە نامايتنە

...

وسسس ...!
چرکە نەجمنى لە فزت ھەوانە
تا بە نوقتییۆ
دەمبەس کەروو بوخچەو واتەيم

...

ساتىۋ نەبى،
دل سەيە و خىيالىتە نە
ھۆرمىدۇ دەۋار ...

...

گولپو لاۋنىمۇ
چەنى زانايش
ھەۋاسم پىران ...؟

...

مانگە دىقش كەرد
ۋە خىتىۋ تۆ ھۆرشەبە قىيى،
پۆجىارا و پىسش ...!

...

چەمى گرهوا،
دەمىن دارسان لىچ وشكا؛
پەرسە: مزگى دلى!

۹۷/۶/۱۰

...

تەنيايى واردا
شەوگاريۆەن عەمرم تەزۆ
مەرگ جۆريۆ ژيوين ...

...

تاوياوۋە
عەمرىۆ كە
وەس رۆجىۋەش ئەشئاسا
مەوينىم كۆرنا ...؟

...

چ وەشش گنۆ
کە پۆشۆ وەزەو شارۆی
شالی زەردەپۆش ...

...

مانگە تۆریای بی،
تەنیا چەم ساقوو را گایم
ئاویرەقوولی ...

...

ویمنە گمیا
کرچە کز بی هەوانە
دەهۆل ژەن، وەس قاچ ...!

...

ز مسانش پوښا
دره ختيو كه وه هارش
پاييزى ته كنا ...!

...

هه واسش پيچ كه وت
گوليو كه بازاره نه
چهم حه ياش پيمى

۹۷/۶/۱۲

...

كه لامت تلنه
نه تكوره پوښ نه فامى
كيښوو قورسى زوانا ...

...

شهوئ چهنى تۆ
چاى و جگهره و خيالت
عه جيب شاعيرنام

۹۷/۶/۱۷

...

چه تره كيت لا ده
مننا واروو سهرته ره
چه مم پايزيان

۹۷/۶/۱۷

...

ئننه دل ديا
لچى جاذهى ره ميوه
خيالره ويّت مت

...

ئاللاھ من تۆنى
جىمىنە لەنجەت ھەوانە
گىيانم پېشكەشت ...

...

عەسا پەيىم مەيى
دەس گىيىرۆ لەرزوو پاىەو
زۆر قاچىنە رەمانەوہ

...

زىمسان چەقەش تىيى
گۆپىتەو دار نەرەيوہ
ھومىيىد وانىيە ...

...

دار به لَو و واچئ:
پِزۆره دارو و رهزی
لاره ملو و چوئین ...

۹۷/۶/۱۷

...

پِسه و سهروازیو
ئاشوهرو و بورجه کی
تاسه و دیداریت ...

...

چهرمه و سیاوش
په رهنه زۆله فیلی
هیلیانه و سه رهیش ...!

...

چەم كەروو گەلا
كە تۆ وەر مەنە ياوى
خىيال ئاوەدان ...

...

هەلسە كاو تۆنى
مەجووشا بى تاقە تىم،
شەولە بانم بە!

۹۷/۶/۱۹

...

چەننە تاك پىئويەى
مانگەو دلى هەسارا
جە بازارەنە

۹۷/۶/۲۲

...

گه لایئو زهردنا
ساتیو سهڊ جارئ
پاییز گزیم مڊو

۹۷/۶/۲۳

...

پاییز چلیو بی،
وجو وڊمنه چه که ریا؛
وانه مو توشنه.

۹۷/۶/۲۳

...

قورسی شه وگاری
پو جیارش په منانو
تا سه ماو هه لسا

۹۷/۶/۲۳

...

زوانم وه شا،
شیرینتەر جه شیلهو ههنگی؛
داخه کیم شیرازی نیا ...!³

۹۷/۶/۲۳

...

دلم پرووزیۆ
به هاواروو شقارتی؛
زه رده پووش واجی!

۹۷/۶/۲۵

...

وێت تاشه،
ههتا درۆشیۆ نوورت؛
ئه لماسیچ تهوه نینه!

۹۷/۶/۲۶

³ - شیعریۆی فارسی گیرایینه

...

رەنگە و گۆزى بە
حاتەم مەياوۆنە سەيەش
بى دەنگ و ملکہ چ

...

كاك ھادى! سلام
پەيكەرى بى دەنگى تاشە،
جنسش ھاوار بۆ...

۹۷/۶/۲۷

...

نەبىيەتتە زلم زالا
پيىسە نەبىيە رۆجىاي
پەي شەو زەنگى

۹۷/۶/۲۷

...

تۆ دىجلە،
من فورات؛
مجبیهیمى دەریاو عەشقى

۹/۷/۶

...

قەوّلش لەق بى و
زوو وه فاش پىزا
ئىسە ...
مننا و
جگەرە و
چۆلىو جادەى ...

۹۷/۷/۶

...

دە شانەرە بى تاقەتیم،
سالىو دووریت؛
به چركیوه دیایت.

۹۷/۷/۱۱

...

دما جمدى ...!
تا كورد مەنە بۆ
چۆپى خەمى
مەدەو دەسوو كەسيو؛
تفەنگ واچى!

...

وردەواللەو وەشە سىيىم
پىتەنۆ پەيتا،
وەرۈو ئانەيە گرانى نە گنۆرە
بە پاو نىيازى چەنەش ھۆرگىردى.

۹۷/۷/۲۱

...

چە ھەنگىۋەنى؟
بەرۈو كلوورەيچەو
شانى مازىرە ...!!

۹۷/۸/۲

...

پیری دهو گژیتیره
نهر ناری ده میت
به ره وتوو جوانی

۹۷/۸/۸

...

بوهش که ردینه
مهرگ ده سیّتاوه ...
به ههراوهیچ پاکیتا نمی!

۹۷/۸/۸

...

تفلّو نیگایم
چه ماو تۆنه عاشق بی،
بازه، که ی که رو کۆلانه کاو ته نیاییتنه؟
ویش پیر بی، سلّ که رووه ...!

...

نەبییەیتە نە

تکە کەرۆ هەناسەم

شەو و تەنیا ییم

کیشە دار

هاکا سەبرم

تەمەش ئاردە!

۹۷/۸/۱۲

...

وختی کە مە ی بە مەرحەبای

قاچ و قول باریک و

ئاو رایێ مەردۆی بو کلکە نیشان

وختوو لوای

لە مەش پەرە نە

۹۷/۸/۱۵

...

كە تۆ نەبى
خيال قسرا
نمرەو شيعريم
بى تۆ سفرا

...

شەوينە شيعرە نمازۇ بووسوو
هەتا نە كيشۇ
دڭانى وەرميم

۹۷/۸/۱۷

...

تۆ كە لەنجەت
ختلى مڭۇ خيابانى
چەنى بازار
حەياش مەتكۆ پەي دىايت؟

۹۷/۸/۱۸

...

هەرچی جوانیش بـ
کۆش کەردەو جامنە و
نازش مەترە جادە
ئیسە بە لەنجەش
بازار ختلیش مـ...!

۹۷/۸/۱۸

...

کلاوێش قیتەنە و
دەماخێش بەرزا
بەلێو دارسانی

...

پۆحش لاوناوێ
نەورۆزوو عەشقی
سەماو پەپوولە

...

چۆپى كېشۈ
بە ھەناسە و تەوھرى
سۆبە دارىنە

...

ھەر بە وېش گنۇ
زلف شانە كەردەى
پايىز سەد رەنگ

۹۷/۸/۱۹

...

ھەر ساتىو ئامای
بارى چەنى ویت
باقیوہ بوہ
سەر شانیو تاسە و
باخەلئو ماچى
دەسى ھالى بەى،
بىسمىللاىت كەروو ...

۹۷/۸/۱۹

...

ههتا تۆ وینوو
بالی گێرووه
ئاخ دل ئاستایهش
کهوتایه قونه
نیگام بالآتۆ

۹۷/۸/۲۰

...

شیش کهردانی
ئیشوو پۆزگاری،
ژیوای جاریو پهم
نه جیب نه پزما!

۹۷/۸/۱۹

...

بى ئانەى

فېشە كېۋ تەقۇ

يا

كوشىۋ سەروازىۋ

دۇل پەى ھە مېشەى

بى مۇستە عمەرەش

مەنە ناۋە

كام زلھىز

ئەننەۋ چە ماش ئىستىعمار گەرا؟!

۹۷/۸/۲۲

...

مىجىاى

چەم و دۇل

خىيال و ئىھساس

مىن

ۋىمىنە كۆت كەرۋۋە

تۇ

پۇرگىنەم دىنيارە

۹۷/۸/۲۶

...

جارڻو ديات
عه مريو پيريم ڪيشووه
دا بارهوه گو
لالی دليم
به جريوهو چه مات

۹۷/۸/۲۹

...

وههار لوا و
وهشی دلنه يه خش به ست،
ئيسه چی پاييزنه
که زمسانی که رو میمان،
چهم به چیشی دلش وهشا؟

۹۷/۹/۸

...

بەخشە گۆل،
ئەر نەتاوام پىكۆو پرايت بالى شانوو؛
تەكنە گەلەيىت!

۹۷/۹/۹

...

بازە
نامەكىت
زوانوو قەلەمىمەو مەجىۋ و
دنيا وانۇشەو

۱۰/۹/۹۷

...

چە خۆرىيىتى
دەسوودىم مەرى
بە تەماشەيت؟

...

دلم
ولائىۋەن
زلفى تۆ ئالاشەنى

...

توورەيىشۇ عەشق ۋارى
ئەجىياش مەزانوۋ
ھەور تا توورە بۇ بەخشىنە تەرا؟

۹۷/۹/۹

...

پايىز رەما و
زىمسان بى پاڭشا
رېشىش نىان گرەو،
بارۇ ۋەھارى

...

ئارۋىچىم لىوا
پىراى سەۋايۇ،
داخۇ رۇجىيار بۇ نەسىبىم؟

...

ۋەھارى ۋرەشۇ
پەى تۆشەۋ زىمسانىش
ئانە ئاوراش بۇ

...

ئىننە ژىۋايما
تالى گۆچ كەردەن
زارۋكىچما
ۋەششاششى مى!

۹۷/۹/۱۰

...

وتەى پەى من ئازارەنە

كە چەم بىنوو

سۆنامى بى تۆيى

دەس پەنە كەرۆ

...

بە ماچىيۈە مەريۆ

تاسەو دووريت

رۆچەوان

بە قومىيۆ ئاوى ۋەربانگ كەرۆ

...

ماچە كىت

گمەو كاۋەترىنى

بانگوو ئازادى مڭا

...

تا به دهم نه گئیری
نه بزوو لچام،
مهزانی وه شه سیات
چننه یاوشا؟

...

که مجیهی بهر
بارساو شاری
پەر بو ته ماشات
له نجهیت پۆشه و
گنه بازار
شار ماتلوو چهه هۆرپرناين

۹۷/۹/۱۱

...

دەمم عاڏەتش
پيچيان ناميشەو،
نەمەن دوكتور نەپيکوو راش
واتشا:
تەركوو عاڏەتى بۆ نەوەشى!

۹۷/۹/۱۲

...

چەميۆەش بى
شيشى كۆرەو بەرەكەيما
دەمم دەميش گۆرەميت كەرى
كۆر بى تەماشى و
خيال تەرسا
وہختیو كە
لچوو قوفلى
بە زوانوو كرىلى تەزا!

۹۷/۹/۱۴ كرماشان

...

وہل چانہیہ بازیم جیا

سوچنہم ...!

ہتیم مہوزہ

پہ پوولہ کھیت

۹۷/۹/۱۴ کرماشان

...

پہرم کەرہ ویت،

تا

شیعریم تۆنہ

درؤسا.

...

ناسکتہرین چیوو دنیای

سہ عاتہ نہ

ساتیو ہزار جارئ دلش مہریو!

...

پەى تافوو دەمىش

دەريا تەژنەشا

۹۷/۹/۲۳

...

چەمەرايى سۆچنە و

مارە ھەوايم

زىمانم تۆۋە

پەيم پاژەرەژا

۹۷/۹/۲۴

...

بە خيالىش

شەوى خنىكنوو

ھەتا رۆجيار نەگىرۆ پا

۹۷/۹/۲۴

...

کۆلانه شانه
بنیه یه و دامی
چرکیو سه د جاری
خیالم بو پو!

۹۷/۹/۲۴

...

قه سەم پا شیعرئ
خەتمەم کەردە چە ماته نه
بالاو عە مریم
پیر کەروو دیارته و

۹۷/۹/۲۵

...

من وه هارم
گۆتره ی دا پۆز گاری
ئیسە زارپۆلئ قه راخوو جاذه ی نه
چل چل پهنەم وره شا

۹۷/۹/۲۵

...

ئاسمان و زەمین
واوێر دووریانی
مشۆچی
بەینوو من و تۆ نزیکتەر نەبۆ؟

۹۷/۹/۲۶

...

زەمسان وەش قەولاً
ریشش نیان گەرەو
بارۆ وەهاری

...

شیعرە ی نابه‌نی
زوان و قەلەم پە ی وەسفیت
دایم کول کەرا

۹۷/۱۰/۵

...

نەبىيەتتە نە
كەڭرەك
زىمىن سەھىرە

...

سۈرە گۈل
دەللى ۋە رۈيى
لەڭگەۋ تۆ...

۹۷/۱۰/۲۷

...

ۋارە ۋاران
تۆۋەن پەلە مەد
خىيال بە شەئىر

...

كەر كوك

«توا» و كوردستانين

كه ياواى لاش

وهڙه پالائت

۹۷/۱۰/۲۸

...

جامى

تۆرنه جه ويٽ

نه كا پيرى كولەش گرتەبۆ

...

موفتيم وههارة

هه رچى نه ورؤزا

رەشبه له كى فتوا مڊۆ

...

چیشم جه دهريای
وه ختی نه تاوو
سهر شو پیاسه کهروو؟

...

یوسفوو میسری بیئا
ئه گهر
جام نه بیایه ...!

...

پهی وه شه سیای
په نه وازا
پرډهو ته ماشای

۹۷/۱۰/۳۰

...

شەوانە
خیالْم دىۆيۆ و
چەكەريۆ شىعرەم
تمەز پەنگەو چەماشەنە

۹۷/۱۱/۷

...

شۆرشو شىعرىم
شەوئ چەماشەنە شەپۆلەش دا
نەلۆ ئاوى سەيش سەرەمنە!

۹۷/۱۱/۸

...

پەنجەم ئىشيوەن تۆۋە ئاۋىزا
پوئ مى
بە زەپ سانى لەزەتو ئى ئازارى

۹۷/۱۱/۱۰

...

چل زمسانیم دئی ئاویره
پوویانی ئیتتیزارنه
مه گهر ئامای وه هاری
چن وهخت بهرۆ؟

۹۷/۱۱/۸

...

دلگیر نیهنا چه نهه دووره نی
هه رکۆ مڊیهو
وارای واری

۹۷/۱۱/۱۰

...

چه میڭش کیشوو
تۆو شیعره کام،
هه تا دنیا ئاویر گیرۆ

۹۷/۱۱/۱۰

...

بەش دىنيا چەر خىش پەي تۆ راس گىلۆ

پەي مەن كە دايم

ھەر چەوت جىماوھ

۹۷/۱۱/۶

...

خىيالت ھەوريشيوي بازەلەن

مىنيچ ۋەروھو زمسانى

پەل بە پەلوو ۋارايمنە تۆ نويسۆۋە

۹۷/۱۱/۱۱

...

تۆ دارى ھەوت بەر و

مەن سىمۆريوي ئاشق

جوانىھەكات شىعەرە كامنە شاروۋە

تا دىمارۆنە

دارسانىۋو جە ۋەشەۋيسى سەوز بۆ

۹۷/۱۱/۱۳

...

واجدی هه سارا چه می نه قرتنا!

مه گهر مه زانا

شوانه شیته له و شو نه و مانگینا؟

۱۳۹۷/۱۱/۱۵

...

که ملو قه راخوو ده ریای

مهینه پابۆشش

پهی لچ ته پر که رده ی!

۹۷/۱۱/۱۶

...

دروێ بار که ره

تا وه شه سیا بی،

ده مپراس، بی ره فیتقا!

۹۷/۱۱/۱۷

...

وہشتەرىن مېۋە
هينوو درەختيۋەن
جۆتىۋ گىرۋ!

...

وہ لاخ كۆم كەردەن
گولئى شىعەرە كام
گۆشت گىرە بە نہوايشا!

۹۷/۱۱/۲۷

...

چەمىۋ وزە
با بە شىلەو نكايتۆ
تا مەرگ تليەو!

۹۷/۱۱/۲۸

...

ئوستوورە تۆنى،
بە تالپوھ زلفات
سەڭ رۆسەمى گىرى!

...

چەمىم كۆلبەرىنى و
قاچاخى جوانىت كەرا پەى دلى!
ھۆربىنى چەم
باروو نكايت ياوان مەنزل!

۹۷/۱۱/۲۹

...

مانگەو چوارڭەى
بالاش ئىتر مەلۇ ئاوى
وەختى وىنۇ سىماو يارى!
خەجالەتى وەختى كىشۇ
زارۇلپۇى ئاورا مڭپۇنە پەيش!

۹۷/۱۲/۲

...

کەرەوه لا
دامنه و چه مام
په پ کەروو ته ماشات

۹۷/۱۱/۳۰

...

دلم دا ده ریاو چه مات
تا
همیشه ته بعی دوو سیاو جه زیره ی بو!

۹۷/۱۲/۱

...

شاریو هه تیم کهوت
به که ئبیو وەرگا
شونیشاره هه زار گولێ داشا قله!

۹۷/۱۲/۱

...

ماناو له فزیم یی په شت و پروون

وهردهنگ به چه می

چه شو شیرینیش!

۹۷/۱۲/۱

...

زه مین مه سا

به هه ناسه یت

په وکای دایم گنجی وەرؤ!

۹۷/۱۲/۱

...

مه سی چه ماش،

شیرین ته قل که رؤ

فه یله سوو فی!

۹۷/۱۲/۲

...

دلم دليتو
جوريو لكي دان
يهره ته لاقه يچ نه كەرؤشؤ!

۹۷/۱۲/۴

...

زه مين تهنيا مانگيؤهش هه نه
منيچ
ته نيا تو

۹۷/۱۲/۵

...

چا وه ختو كه
دهشش وهر دا جه رؤحيم
به خيالش دليم دؤنوو

۹۷/۱۲/۲۲

...

تا خونچهش دهم ترهك بۆ
مجيا نوقلئو دوو كانيش!

۹۷/۱۲/۲۵

...

جۆغرا فياو شيّعريّنه
دهرياييۆ وهش كهروو
جهزيرهش تۆ بى
تا كهليمه كى چوارسووچۆ
چۆك بذا پەى تەماشاييت

۹۷/۱۲/۲۸

...

نه بيه يتنه نه
خەم
نيشتمانوو دليش تاپۆ كهردەن
وزه را
به فتواو چه مات
كووده تاييۆه!

۹۸/۱/۲۳

...

جەمەم بىي رەۋتا
ئەگەر تۆنەبى
گۆچانەۋ زىۋايم

۹۸/۱/۲۳

...

كلۆ كلۆ
تاۋنەمۆ شەرابوۋ لىچاتەنە
شىرىنى زىۋايم تۆۋە بەننا

۹۸/۲/۵

...

خونچەش تنگناۋە
پەي شەكەر مەتەي
ترەكنای لەفزىش
عەشق ھۆرپىچنۆ

۹۸/۲/۷

...

جمہو مہیلت
چ سڙ پیمۆ وەشە سیایی
هاکا تاقەت وەستەرە کۆما
کلنە چەمیت

۹۸/۲/۱۳

...

بارسیو عەمریم
پووت ھۆرمارۆ
زەرەرش کەرد
زەمان مننە!

۹۸/۲/۱۳

...

عەمر
جگەر یۆەن
زەمان کیشۆش

۹۸/۲/۱۵

...

بى تۇ؛
نوقتىۋى كۆرەنە
خيالۋو من!

۹۸/۲/۱۷

...

چىركە چىركە
جىيام مازۇ
گە لا گە لا
من رېزۋورە!

۹۸/۲/۱۸

...

دەميۋەن پۇچ
وائوسو خيالىتا
چەم ھۆرپنە و
بى سەبرانە مجەم دلىت

۹۸/۲/۱۹

...

پەي سووروو شادى

قەلەم بى شەنە

عەمرش دا كەمە

و

ژیواي خەلە پوچ

خەرمانيۆ ناھى بىي نەسييم

۹۸/۲/۱۹

...

خەلك بە قاچى ھۆرپرۆ

من بە كەلىمى

تۆ واچى «نيچە» مننە گميايۆ؟

۹۸/۲/۱۹

...

بە لوایش

پاسە ویرانش كەردا

قاجار بە ئیرانیش نە كەرد

۹۸/۲/۲۵

...

ھومىڭد بەخشى من
مىرىچلىنۈھ كە پارشەو
مورڈەو سۇخى دى

۹۸/۳/۳

...

مانگە وىش خنىكنا
وہختى تۆ ئامای
پەى سەروو ھانەى

۹۸/۳/۳

...

ھەواسم تۆۋە مەلەشیش كەوتەن
بە ماچىو
وزەشۇ ياگى

۹۸/۳/۱۲

...

وەرۈه
ھارەق مجۆ
كە تۆ وینۆ!

۹۸/۳/۱۲

...

ھەناسەتۆ ھەزیم تەكنە،
تەوا فیوی دەمیت؛
ھەزار ھەجینی پەیم!

۹۸/۳/۱۵

...

عەمریو سەبرم كەرد
تەشە نەبیە ھەلوا
ھەی گوو بە سەبری
بالام پیروك بی و
وہارەكەم فیرو لۈا

۹۸/۳/۲۵

...

دل؛ كياره

تۆ؛ مريچلى

من؛ ماچى وه شه سيايت شانوو

تۆ؛ دانه دانه هوڤشا چنه

۹۸/۳/۲۸

...

كياره و دليمنه

تۆمى وه شه سيايت مشانوو

تۆ ئاويش داره

من

بنج به بنجشا داهۆلى منيهو!

۹۸/۳/۲۸

...

دهوروو ده ميس

به زوان كآلوه

هه تا خونچەش پەرە دەم بۆ

۹۸/۳/۲۹

...

دلش بهردا و لوا

نه زاناش که

بوونه دهس گیل!

۹۸/۳/۳۰

...

به ده قیق بییه ئه عدادی شکم که رده!

وه ختی که زانام

ویش ته نیا دنیانه

۹۸/۳/۳۱

...

چه میس ختلی رۆ حی مڊا

وه ختیو که

مجیانه چه م

۹۸/۳/۶

...

دايم
وهرانو ۋو گولڊانيۆ نيشووره
تا
خيالمه نه نه پړۆ...!

...

وه ختي كه مدي
بارسا يو نكايم
په پ بۆ رهنگه ي كه وي!

...

وه ختي مه لي
بارسا يو نكايم
كه يلاو بۆ جه شه وه زه نكي

...

دووکەل

هەناسەم شى كەرۆه

سەر كلافەو شادىم

دليشەنه گميان

٩٨/٤/١٨

...

هەناسەيت ساوه هەناسەمره

رۆحم ئاور به شيعريوهن

مژن تۆوه كەرۆ

٩٨/٤/٢٢

...

تاسه و ديڤاريت جمانه ره شاره گ

حهوت خهت مهس بوو

به پهيكيو هەناسەيت

شەبە قيه و

به ساقى...!

٩٨/٤/٢٧

...

تهنیا عهیش

زه ریفیشا

هه رکه سی وینۆش

دلش لاشه و جیا مازۆ...!

۹۸/۴/۲۸

...

هه تا زه مین خولهش بی

قه زاری یۆینی

شاعیری و ژه نی!

۹۸/۴/۲۸

...

که سیۆ که ره شه ریکوو ژیوایت

وه شه ویسینه جهوت خهت بیه بو!

ژنیه نم:

عالتهرین نگابان

دزی قه ډیمین!

۹۸/۴/۲۸

...

دەمیۆهەن

پۆچەوانوو دووریتەنا

بە وەر بانگۆو ھومیڤیو

«چل» یچ کیڤشو

ئەر خورماویم

لیچی تۆ با

۹۸/۴/۳۰

...

شەلە شەل

عەمری کیڤشو جاذەرە

و

نە فەس نە فەس مشووە

پەلەم پە ی ژیاوی

مەرگی چرۆ

۹۸/۵/۲

...

كلوورهو ده مېت

ژله پړيال

به مه له كهه،

بوونه سهرواز.

...

په پوړه ماچيوه

لچيمه و پي تو مډيو

خه جاله تش مه كهره!

...

ز مسانوو بي تو ي سؤچنانا

فېنكم كهره و

به ئاميت

...

پهيت بوو شاهو
تو به هه ور
تا پووشم پرؤ
ديارته و كه فنه زه رځ كه روو!

...

به هانهم
كولته ر عه مرم
نهر په ي تاوئ
بي توئيت خيالمنه گنؤ كه لاوئز!

...

هه ستييم
ئاوړ به هه ستييت كه ره
هه تا سه ياوه
هه رسي هه سره تيم

...

دلىم

فىنكى نكايتەرە ۋەزىنەرە بەزم

بە لەنجە ۋ چەمات

پەيكيۇ دىاي

ۋ

مەزە ۋ ئۆفىو

گىنۆ سەرچۆپى ...

۹۸/۵/۵

...

ۋاتم سەينەمۆ

ۋاق مدرا ...!

تمەز نەزانى

فىنكى دلىو ۋەروينە شارىانو!

۹۸/۵/۴

...

قەن بى قىمەت بۇ

وہ ختى

شە کەرە ساوی سیمایش

خوہ مازارہ!

...

دەمش

هەناریۆەن

پەر شۆت!

...

دەمت

چ هەناریۆەن؟

وہ ختى ترە کو،

دانوولى چەرمى مازۆرە!

...

بە ھەوا و ھەشەسیایی
ھەنار ش دەم ترەك بۆ
ژیوار پېزۆرە باوشەو سىروانى!

۹۸/۵/۶

...

دلم ئننە ھەورین
بە ژنیەى نامیش
خیالم تەپ بۆ

۹۸/۵/۷

...

ئیمانیم مەو
بە کفروو چەمات
با تا قیامەت
قەرزاروو خودای بوو

...

شەۋە نىيەنە

نەۋىنەۋ پەۋشەۋ

ۋەرمىۋى ئۆجاخ كۆر!

۹۸/۵/۹

...

تارىكى

شەۋە ئازىنەۋ رۇچىم بىيەن

پەۋكاي

گەلا گەلا زەرد ھۆر گىلۋە

...

عەمر

بىسەمەر پىزۇ كىارەۋ بىيە

ژىۋاي

جارىۋەنە پەپ جە درەي

۹۸/۵/۱۰

...

ئارام بىنيە ھەنگامە كىت
ھائىش نەبۆۋە
پەپوۋلىۋە كە
ھەناسىۋو ژىۋاى عافىيەت نەپژما

۹۸/۵/۱۲

...

بەھانەم
بەھانەم
تا گۆزى تاسەيم
پوۋو سەد جارى بۆۋو شانەرە

۹۸/۵/۱۷

...

تەنگ و چەلەمەیت

مەحکەم فشارە

تا بۆنە مووم دەسیتتەنە

گەزەنی

ئەر تن گیریش

پیسە کەرینە!

۹۸/۵/۱۷

...

بوەو نانی یاوۆ دەماخ

وەختیۆر کە مانگی وینوو

زارۆلۆی ئاورا پیسەشە وات!

۹۸/۵/۱۹

...

من

نە پەي خوداي

و

نە پەي حوريا

كەم حوكمى باخەلئ

پەي ئەساي سىفا و تەماتا

كەردا پۆچەوان...!

۹۸/۵/۲۱

...

نەببەيتەنە

هەناسەم لکە کۆریش کەوتیئەنە،

بە عيسام!

۹۸/۶/۱۳

...

گه وره تهرين به نناو
چه ماو ژه نيئي!
به دلۆپه هه لسيو نم کيشا
دنياش ويرانه بو

٩٨/٦/٢١

...

قورحانم وهر كه رد
بيجگه سووره و تو به ي!
ئاخر مه تاوو
چه نه ش دهس كي شوو

٩٨/٦/٢٤

...

كالى

گ

ى

ا

ن

دەم وىتتەرە

با ياۋى!

۹۸/۷/۱۸

...

تۆۋ

پايز و

جگەرە

خيال گۆچ كەردى

پەي ھۆرپرايو كەلىما

۹۸/۸/۶

...

واچەم:
تا کە ی حەوسەڵە
تاقت بازۆرە؟

٩٨/٨/٦

...

وەنەوزی شەکیۆو
وەرم مەجیۆ لە شو
تا کە ی دارسان هایش مەبۆو
زوقمسانوو ئی شەوینە؟

٩٨/٨/٩

...

چ باخیۆه پەر میۆه نی!
بەشم نەدە ی
نەوسم تەکو ...

٩٨/٨/١٧

...

خيالم تۆۋە شىۋيان
خىزىيە و
گىرەۋە پەلكى؛ شىپىزىم

۹۸/۸/۱۷

...

ۋەختى مەينە دەلاقە
نگام شانۋو بالاتەرە
هەزار شىعەرى گنارە!

۹۸/۸/۱۷

...

نەبىيەت دوچاروو دەرڭا كەردەنا
بۆرىۋە و
بە تالشىكىم^۵

۹۸/۸/۱۷

⁵ - ماچا تالشىكى تەنيا دەرەقەتوو مەرگى نەيۆ

...

دَلما بِيهَن هه ساری!
چۆكلەش دەى چەنە
لِيلاوِيش حەتمين

۹۸/۸/۱۵

...

ئەچا وەختۆ
زەردى زلفەكاش مجيارە ديلەم
چوار وەرزەو سالى
پاييزا چەمنە

۹۸/۸/۱۷

...

بە گولۆو فووتبالۆو هيچ ولاتيۆ
دل مەنیشۆ كەيف
مەگەر وەختيۆه ئينسان گول كەرۆ!

۹۸/۹/۱۸

...

بۆ ویت بژنەوہ
ھاواروو دلی
پاگیرەشا لە فر
پە ی چریە ی نامیت

۹۸/۸/۲۴

...

ژیوای خەردەل پاش
جەنگ زەدیتە
باخەلە و خەلکی

۹۸/۸/۲۵

...

لچیشە و گولیۆ
خونچە خوہیوہ
دنیا پەرە بۆ پەپوولی

۹۸/۸/۲۹

...

بە ژنيەي لە فزيش

قەننم جمۆره

وهي پەي ئا كه سيه

دهميش ماچ كه رو!

٩٨/٩/٩

...

من سماييل و

تو ئيبراهيم

نيگات خنجهره!

٩٨/٩/٩

...

تۆ

بە ھەشتیوھنی

«من» یچ

مریچلیئوی ئاورا

لا نەوازی

ھەتا پەنا نەبەر و بە گەنمی

۹۸/۹/۲۵

...

«سەفا» و «مەرۆھ» ما

نەك پەي خودای

نا ... نا

تەنیا پەي نانێو یی،

کۆلبەرێو واچی!

۹۸/۹/۳۰

...

شيعره كيم ئننه شرينى
پينه هورمه گير!
دلوهش پينهينا
توهنى فره دريا پالوو ديوارى
كريو بنه پتهوو بينايه تازى

۹۸/۱۰/۲

...

وه شلهى
من گه لا ييايىنى و
تو پايىز!
وه من
روى هزار جارى
ريزايىنى باوشيت

۹۸/۱۰/۱

...

گیان مه سپاره
په ی ته ولاو هه سارا
سه ره نامنه ره و
لکه زه مینی

۹۸/۱۰/۵

...

ته ری خیالیم
دو وریشه نه وشك مه بۆه
رۆی سه د جاری
سه روو ته نافه و یا دیشۆ یا و وشه و ...!

۹۸/۱۰/۸)

...

وه شه سیاییش دلنه
په نگش وارده نو
له فزم تره کو
عاشق که رو شارپوه

۹۸/۱۰/۲۲

...

هۆر بېرنە سەرەيت
چە منە دەورە تە ماشات
با جار بۆھو:
«ئىمە گيانىنمى جە دوئ جە سىنە»⁶

۹۷/۱۰/۲۷

...

چە مە دەريا و
جە زىرەش؛ دىئە
تۆيچ
تە نيا نىشتە جاو ئى دوور گەيە!

۹۸/۱۰/۲۹

⁶ - ئىمە گيانىنكىن لە دوو جەستەدا، ئىبراىم ئەحمەد

...

هەر یا گئی

تۆش لویینی پۆره

بیینه مروچه را...!

۹۸/۱۱/۹

...

خەلکی

خوڤا و پیغه مەرش هەن

«من» ییچ، «تۆ»

۹۸/۱۱/۱۰

...

خەلکی

بویسانش شە مامە گیرۆ

من

نە مامەم

۹۸/۱۱/۱۰

...

گەرەتەرین
ئۆقیانوسو دنیای
دلۆپە ھەرسەو ئەڤاينە

۹۸/۱۱/۱۰

...

تۆم بینە
و
شەراب
خوتبە بە شیعەرە وانوو!^۷

۹۸/۱۱/۱۸

⁷ - ماچا وەلید بن یەزید جومعه بی و مەس؛ قەسەمش وارد خوتبە بە شیعەرە وانوو.

(ئەقدی ئەدەبی دوکتۆر زەینکووب. ب. ئەوەلی)

...

چرکه چرکه
خیالته وه شیعرئ چنوو
تا
رهنگاله شالیئوه وه شه سیایی
کهروو خه لات
په ی گهرده نوو ته نیاییه کات

۹۸/۱۱/۲۰

...

ههر هیچ نه بو
دلیم بینه پا تاله زولفیره
ئامان وهروو چه مات
جار جاریو رۆح
نیشو نیگاتو
ئاما و شارۆش کهرد
شیرین هه زیوه

۹۸/۱۱/۲۱

...

لچیش

شانه هه نگوین و

شیوهش

گه زۆی پرووت

وهس

مه کینیشه نه مه نه ناوه!

٩٨/١١/٢٦

...

دا لاجه می وزه

با به سۆسکه شیعریه

دنیا ی باروو ته ماشات

٩٨/١١/٣٠

...

ئاور به چه ماشا دلّ

مژنم

گوڻنای خونچه یشا

تا وه شه سیایی جه ئه ڏا بۆ

۹۸/۱۲/۱

...

کرونا

چه می شه نی!

دلوو هر که سی بۆ دامیشاوه

هه تا هه تان سه رعین

۹۸/۱۲/۲

...

لوا و

شیعره کاش تالکیش که رڌا

ئیسه

رپوو گهرنا ...!

۹۸/۱۲/۶

...

بالاش كالايەن

بە تاق و تەنیا

دنیای کیشۆ!

۹۸/۱۲/۷

...

وہہارم

بی تو سالییم کەم مارا

چەنیت

گردوو ساله کام که بیسینی!

۹۸/۱۲/۸

...

دلى وەرۈپنە
گۆپىتەش گۈلىان
شەكەرەساۋىش ياۋىتى و
ھەنارش دەم تەرك ...!
واچىدىم كى دىەن:
جە يەك نگانە
باخىۋ چوار فەسلە برمانۇ؟

۹۸/۱۲/۱۲

...

ھەوايەۋە غەجايىش ھەن
كويسانوۋ بالايىش
رۇجيار قلەش مى و
چە مى بەرۇ
ۋەرۈەۋ سىنەيش!

۹۸/۱۲/۱۲

...

سا تۆيچ پيسه و من
ساتى خيالىم پيچنه سەرەرە
ماچا
تەلەپاتى تاومى ياومى يۇى!

۹۸/۱۲/۲۰

...

قەلەمىنۇ بارە
شىعرەم چىكىۋرە
با خيالە كام نەلا زەمىنرە

۹۸/۱۲/۲۶

...

تۆكە
سەرچەمە وەشەسىيى بى
من
گەرەتەرەين ئىستىعمار گەرنا

۹۹/۱/۴

...

وہ ختیو کہ
مانگہ شہ وہ بو
چہ میم چہ نیش
ملا تا وەرم ...!

۹۹/۱/۶

...

رۆنہ کہ ہیچ
شہ ویچنہ
خیالم سەرپەنناما و
لچیم
مجاترہ وەرم و وراوی
سەعبانہ یچ
ئەدامنہ و
راپۆرتوو کووچہ و کۆلانی ...!

۹۹/۱/۵

...

مىڭە بانىنە
بىيە نا پىتوو ئاى
زارۋلىچ
كلّاوه منيا سەرەم!

۹۹/۱/۱۲

...

من چەموو تۆنە
سىننە بەر كەروو
ئاخر چەموو تۆ
بەلا بەر كەرا!

۹۹/۱/۱۳

...

شەۋە نىيەنە

پەرسىيۇ سەدّ جارى نەتكۆرە ويرم

داخۇ خۇدا

چن شەۋ و پوي

رەنگەۋ چە ماشەنە مەنە بۆۋە؟!

۹۹/۱/۱۴

...

دېدە بىنيە يۆ

تا چەم رۆشن بى

ئەۋسا مزانى

چەم ساق چن كۆرا ...!

۱۵/۱/۹۹

...

جە ئاویری ترازیهو
وہختیہوہ کہ
چہمیم نگایت گیّرانہ وی ...!

۹۹/۱/۱۸

...

ہەر یاگی یاوو واتئ ئەنفالی
ہەزاران کەسی
وہروو چەمامەو زیننە بە چالّ کریا ...

۹۹/۱/۲۷

...

زەمین نوقلّەواران بو
وہختیہوہ کہ
ہەور توورە بو و
بە گرم و قالّ ملەوانەش پەرچنۆ ...

۹۹/۱/۲۷

...

هیزی شهوی و

په ری شهوی و

هه رچی شهوینی

خیالم شو کنا نه وه په ی ته کنا یو شیعر

ته نیا و ته نیا

تو گنیه ره

تو و

ت

و ...

۹۹/۱/۲۷

...

نەرگس وینوو
تۆش چەنەنى
وەنەوشە وینوو
تۆش چەنەنى
هەرالەو گىلاسى
ساوى؛ ھەنارى؛ بەيى و ...

ئاللاھ

واچەم:

چ موعجىزئۆھنى
ھەرچى گولئىنى تۆ مشا؟!

۹۹/۱/۲۸

...

چەمىش
دریژتەرین شەو گاروو مننى
ھەر وەخت وینووشا
جەژنەو یەلدايمەنە

۹۹/۲/۲

...

تۆۋە خىيالىم پىژگيان
ژوانىۋو چىنە و
شىپىزىم گىيرەۋە پەلگى

۹۹/۲/۱۱

...

پەمەزاننە
ھەسابى قەرزاروۋ لىچات بوۋ
شۆراۋ رۇھانىيا كەروۋە پا
كە فارەشا چىن ماچى با
چەنى سەرفىترەى
منىھوشا سەروۋ چەماۋە ؟!...

۹۹/۲/۱۷

...

عالتەرىن پىۋەن تۆۋە دريان

كى دىەن

چنار بەى بازۆرە و

خونچەو ھەنارى

پەوشۆ دەم تەرك ...؟!

۹۹/۲/۲۳

...

تۆ كە ۋەرىۋە پا ناسكىيە بى،

تۆخوذا حەيف نيا

من نەبوو بە ۋەرگ؟!

۹۹/۲/۲۷

...

زەمان بى گيان بۆ

ۋەختىۋو كە

ژوانوو تۆ مننە جمۆ

۹۹/۲/۲۹

...

با

تۆۋلى بىيەنى و

«من»ىچ وا

تا

لاى كەمىۋە

سالىۋ جاريۋە رۋوتەم كەرداينىۋە!

۹۹/۳/۲

...

تۆ

ئاۋىرىۋ دەمتەۋ گراى گرو

«من»ىچ

سەرداينە رەق بوۋە

كەرەم كەرە

تا دەم ھەلقە دەۋ دەۋروۋ ئاۋىرى

۹۹/۳/۲

...

تۆ

هائىنو دەمىتەوۋە فۋارە كەرۆ

«مىن» يىچ

لچىم ترە كەشا بەردىنە

كەرەم كەرە

دەم ھەلقە دەو دەوروو ھانەيرە

۹۹/۳/۲

...

پەيكەرش

شىئەرىيۈنە تاشو

سىنەو دەفتەرىمەنە مىنەوشەرە

تا گىرڭوۋ جادەكاش

چاگە ياۋاۋە يۆى

۹۹/۲/۳۱

...

تا که ی چه مه را ...؟

بازه

مړیچلّی وه شه سیات

وه نه و شیوه چنؤ

کونجوو لیچاتهو

۹۹/۳/۱۳

...

چ مه نره ریوی دلکه شهنی

چیش شاعیرئ دنیای ههنئ

بالاته ره شیرئ چنا

۹۹/۳/۱۷

...

وه هار پرا

من هه ر چه مه راو

کلنای چه میشنا ...

۹۹/۳/۱۹

...

چەنى وېم شەرما

سەروو تۆ!

وہشەسییاییت بنجەش پاسە کوینە

وہس بە خیالت

رۆجیاری ورازوو پەردەو شەویڤرە

۹۹/۴/۶

...

سالەھان

چەنى ئى خاكیە دەسەو یەخەنا

من پا ھۆرگیروو

ئاد پام منیۆرە

۹۹/۴/۱۱

...

هەر یموو مننه
وه هار حوكمش سهردارا
ئینه فتواو كهویرینه ...

۹۹/۴/۲۵

...

ئی تاریکیه چ قورسا
ئاخۆ روی بی
پۆجیار سړی ته كنۆ بالا شهو؟

۹۹/۴/۲۷

...

زه ریفیشه نه مه نه ناوه
ته نیا په ی دیونای
دلا ئامینه

۹۹/۵/۲

...

شەروو شەكەرىن سەروو لچاشەو

هەر وهخت وینووشا

ونی مجیهینه!

۹۹/۵/۳

...

هەریس نیهنا

جە پایتەختوو پرتهقالی

تەنیا یاگە دەسیۆه ...

۹۹/۵/۴

...

پیتەکا پینکنووه و

بیۆه فاییش مجووره دهفتهر

گاهەز روئ ئاما

بیە مەشقوو زارۆلاو مەدرەسەى

۹۹/۵/۸

...

بهینوو من و تو

پیتو پەردەن

ئااه

ئەگەر بزانی

کەمیچ، چ فرەن...!

۹۹/۵/۱۸

...

هانه و دەمیش ئاوه و بهقاینه

کله و گرین گهرمی لچاش

ئاوی و ئاویر

واچدیم چه نی مه بۆشان جای؟

۹۹/۶/۲

ئاميان

شيعرەم

نمە گرسۆ زەر فوو خيالى

تا تۆ نەبى ئاميانش

۹۹/۶/۳

...

وہختوو نویستہی

گۆرہ پانوو وەر می و هووشیارینہ

وہرمی پیکانی و

دەسوو خیالیم پرا

پەوکای ئی شیعری کەم ئەننامەنە!

۹۹/۶/۱۰

...

پاییزا

په يکيو ونه و رەزانی

خیالوو تۆ و

جگه ريوه

تەنياييم شيعرنا!

۹۹/۶/۱۰

...

بە خشم پەنە هیلپۆه نگايت

کە شيعرا ویتەرين توخمی سرووشتی

چەمی تۆنی

۹۹/۶/۱۳

...

تا کە ی لووتە لا چەمت چەنیم بۆ؟

قازی دلّا و

حوکمش تۆره مارۆمۆ!

۹۹/۷/۱۰

...

نازیۆ ده واره
پهنج فهرزه نیگام
وزوو سوژده گات

۹۹/۶/۲۸

...

دلّم یانیۆهن
نه دوه نهۆما و
نه ئاسمانخراشو و نیۆیۆرکی
که ویلیۆهن
گردوو دنیای دلیشه نه راش بۆوه!

۹۹/۶/۲۲

...

نە خوڏا خوڏاۋ مەردەي شوە كەيتەنا

و

نە مېرارهۋ بېيەي گاۋهيتە كەيتا

تەنيا با قەۋلّت، ژەنانە بۆ

۹۹/۶/۲۹

...

خيالىچەنە مزاۋيەنى

سا دە ھەۋالىۋو

شەۋە نېيەنە

ۋەرمم تۆۋە تەر نەبۆ

۹۹/۷/۱۱

...

شاريۋەنا

پەر جە تۆ

ۋەختوۋ تەنيايى

۹۹/۸/۶

...

دل ديوانه بۆ
ئە گەر وەھارم
چەنیت نە گولئۆ

۹۹/۸/۲۱

...

وارە واران
سەماو پەیات
لەنجەو سەرپەنجەیش مارۆو ویرم

۹۹/۸/۲۱

...

گەلاخەزانشا وەھاروو عەمری
ئە گەر بە ئامایت
جادەهی نە گولئۆ!

...

نەبىيەت خورەم كەرۆ خيالمنە
كەرەم شەبەقى و
هۆربرنگە دووريت

۹۹/۸/۲۱

...

واچدى رەزوانى
زەحمەت نە كېشۆ
بە نىم نكايش دنيای مەس كەرۆ

۹۹/۸/۲۲

...

نەبىيەت نە
خيال مەيمە كالآ
پەوكای جارەشيعرەم بالآ مە كەرۆ

۹۹/۸/۲۴

...

پاییز به بی من
گه لایه ش که ما و
ساله به بی من
پاییز که مارو!

۹۹/۸/۲۴

...

کۆچوو کاوه ترپوهنه مه نه ناوه
وه ختیو که
هیلپانه کیش غه ریینه جیا مارو!

۹۹/۹/۱۳

...

سهره یت ته کنه
شهرمی ده واره و
نگایت باره وه گۆ
پاو دلّی ته زان ئینتیزارینه

۹۹/۹/۱۴

...

دلّ پەي تە ماشايت عە مریّ کەم مارۆ

کەرەم، با ویلّ بو

دیلهش دیلهتنه

۹۹/۹/۱۴

...

چەمم تە ماحەش کەر دینه دەمیت

ماچا نەزەرە حەرەمەنە

گەر ئیجازە دەی

گونایم ماروورە بە سووکە ماچی!

۹۹/۹/۱۴

...

ناریکی له فزیم

وەش چنە چەمات

پیزا^۸ کە جیرە زەریف مَدْرینە!

8 - پیزا: بورجیوون ئیتالیانە.

...

حهق چه تونا
پوی سهډ جاري
سهره یش ولکناوه!

گه لاخه زانوو ۹۹

...

هر ههنگامی جیام مازی
دلۆپ دلۆپ من پاییزه
عه مری چفنا زه مانیره

۹۹/۹/۱۶

...

ده لاقه لاوازا و
نه بیه یشه نه
په شیویم شانه کوروو

۹۹/۹/۱۹

...

گۆش بە نەواو بى دەنگى دىنا

چ پۇحنەواز بى

سازى بى سازش!

۹۹/۹/۱۹

...

دلى ئەر يۈۈە با

بە تەلەپاتى^۹

متاۋى بىنى پلوورەوارانى ۋەشەسىيى

۹۹/۹/۱۷

⁹ - تەلەپاتى جورپوۋە پىۋەنى پۇچىن.

...

لازم وه زهره
ساباتوو چه ما
حوكموو دليين

۹۹/۹/۲۴

...

ئاخو
به روي سەيايو
تەزوو دەساو خوداي بەرشيە بو؟
ئا وهخته كه
جه شش پويينه،
پەنجش، تۆش نه خشنای؟!

۹۹/۹/۱۹

...

ویره وهریه کیش

وشکیم که ردّینی

په ی خوشاوه و شهوه شیعره کام

۹۹/۱۰/۱۰

...

وَيْتَ بَنُويسَهْش

.....

.....

.....